

## Elèv k ap Antre Nan Nevyèm Ane Pou Ane Eskolè 2013-2014 la Sa Elèv ak Paran yo Bezwen Konnen

### Ki opsyon pou diplòm ki genyen?

Elèv yo dwe reyalize youn nan opsyon pou diplòm sa yo:

- Diplòm estanda 24 kredi
- Opsyon 18 kredi Kourikoulòm Akademik Egzijan Pou Amelyore Aprantisaj (ACCEL)
- Kourikoulòm Sètifika Edikasyon Entènasyonan Avanse (AICE)
- Kourikoulòm Diplòm Bakaloreya Entènasyonan (IB)

### Ki egzamen eta a egzije pou elèv yo pase?

Elèv yo dwe pase egzamen eta sa yo:

- ELA Klas 10zyèm ane (oswa make pwen ki kòrespòn ak ACT/SAT)
- Egzamen final (EOC) Aljèb I oswa yon pwen ki ka konpare ak Egzamen Preparasyon Pou Edikasyon Apre Lekòl Segondè a (P.E.R.T)

Elèv yo dwe patisipe nan egzamen final yo epi rezilta yo dwe reprezante 30 pousan nòt final kou a. Egzamen yo ap nan matyè sa yo:

- Aljèb I
- Byoloji I
- Jewometri
- Istwa Ameriken
- Aljèb II (si yo enskri)

### Kisa pwogram akselerasyon kredi (CAP) a ye?

Pwogram sa a pèmèt yon elèv resevwa kredi lekòl segondè si li pase yon egzamen eta a san li pa enskri nan kou a. Kou sa yo kapab matyè sa yo:

- Aljèb I
- Jewometri
- Istwa Ameriken
- Byoloji I
- Aljèb II



### Ki egzijans ki genyen pou opsyon diplòm estanda 24 kredi a?

<b>4 kredi Lang Angle (ELA)</b>
<ul style="list-style-type: none"> <li>▪ ELA I, II III, IV</li> <li>▪ ELA avanse, Plasman Avanse (AP), Sètifika Edikasyon Entènasyonan Avanse (AICE), Bakaloreya Entènasyonan (IB) epi kou elèv yo ap pran nan kolèj pandan yo nan lekòl segondè kapab satisfè egzijans sa a.</li> </ul>
<b>4 Kredi Matematik</b>
<ul style="list-style-type: none"> <li>▪ Youn nan yo dwe Aljèb I epi youn nan yo dwe Jewometri</li> <li>▪ Sètifikasyon endistri ki bon pou kredi kolèj ka ranplase jiska de kredi matematik (sòf pou Aljèb I ak Jewometri)</li> </ul>
<b>3 Kredi Lasyans</b>
<ul style="list-style-type: none"> <li>▪ Youn nan yo dwe Byoloji I, de nan yo dwe kou lasyans ki egzijan menm jan an tou.</li> <li>▪ De nan twa kredi ki obligatwa yo dwe gen yon pati elèv la fè travay nan laboratwa.</li> <li>▪ Yon sètifikasyon endistri ki bay kredi kolèj ranplase jiska yon kredi lasyans (sòf pou Byoloji I)</li> <li>▪ Yon kou Syans Enfòmatrik egzijan nan yon sètifikasyon endistri ranplase jiska yon kredi lasyans (sòf pou Byoloji I)</li> </ul>
<b>3 Kredi Syans Sosyal</b>
1 kredi nan Istwa Dimonn 1 kredi nan Istwa Ameriken 5 kredi nan Istwa Gouvènman Ameriken 5 kredi nan Syans Ekonomik ak Edikasyon Finansyè ladan
<b>1 Kredi Boza ak Teyat, Pawòl ak Deba, oswa A Aplike*</b>
<b>1 Kredi Edikasyon Fizik *</b>
Dwe genyen entegrasyon lasante ladan
*W ap jwenn kou ki akseptab oswa ranplasman kou ki akseptab yo nan Rejis Kòd Kou Florida a sou <a href="http://www.fldoe.org/articulation/CCD/default.asp">http://www.fldoe.org/articulation/CCD/default.asp</a> .
<b>8 Kredi Kou Ki Pa Obligatwa</b>
<b>1 Kou a Distans</b>
Elèv yo dwe genyen yon pwen mwayèn 2.0 sou yon echèl 4.0.

Foto koutwazi  
Digital Vision/  
Thinkstock

## Ki egzijans ki genyen pou nominasyon diplòm estanda?

Nominasyon Diplòm Estanda
<p>Aprè li fin satisfè egzijans pou diplòm estanda 24 kredi a, yon elèv dwe</p> <ul style="list-style-type: none"><li>▪ Genyen 1 kredi nan Aljèb II ;</li><li>▪ Genyen yon kredi nan Estatistik oswa yon kou matematik ki egzijan menm jan an;</li><li>▪ Pase egzamen final kou Byoloji I an</li><li>▪ Genyen 1 kredi nan Chimi oswa Fizik;</li><li>▪ Genyen yon kredi nan yon kou ki egzijan menm jan ak Chimi oswa Fizik;</li><li>▪ Pase egzamen final kou Istwa Ameriken an;</li><li>▪ Genyen 2 kredi nan menm Lang Etranje a; epi</li><li>▪ Genyen omwen 1 kredi nan yon kou AP, IB, AICE oswa yon kou li ap pran nan kolèj pandan li nan lekòl segondè.</li></ul> <p>Yon elèv pa oblije pase egzamen Byoloji I oswa Istwa Ameriken an si elèv la enskri nan yon kou Byoloji I oswa Istwa Ameriken AP, IB oswa AICE epi elèv la</p> <ul style="list-style-type: none"><li>▪ Pran egzamen pou kou AP, IB ak AICE yo; epi</li><li>▪ Li genyen minimòm pwen pou genyen kredi kolèj la.</li></ul>
Nominasyon Diplòm Ekselans
<ul style="list-style-type: none"><li>▪ Satisfè egzijans diplòm lekòl segondè estanda a</li><li>▪ Genyen youn oswa plis sètifikasyon endistri nan lis ki etabli a (dapre s. 1003.492, F.S.)</li></ul>

## Èske yon elèv ki chwazi pwogram 24 kredi a ka gradye bonè?

Wi, yon elèv ki reyalize egzijans pwogram 24 kredi pou yon diplòm estanda kapab gradye nan pi piti pase ywit trimès.

## Kisa ki diferans ant opsyon ACCEL 18 kredi ak opsyon 24 kredi a?

- Tan pou li genyen 8 kredi kou ki pa obligatwa, li bezwen 3
- Edikasyon Fizik pa obligatwa
- Kou a distans pa obligatwa

Elèv yo dwe reyalize tout egzijans gradyasyon pou yon diplòm estanda 24 kredi (dapre seksyon 1003.4282(10) (d) 1.-5., Lwa Florida [F.S.]).

## Ki kote m ap jwenn enfòmasyon sou Bous Bright Futures la?

Pwogram Bous Bright Futures rekonpanse elèv pou bèl travay yo reyalize pandan lekòl segondè ak finansman pou ale nan yon enstitisyon apre lekòl segondè nan Florida. Pou plis enfòmasyon, vizite <http://www.floridastudentfinancialaid.org/SSFAD/bf/>.

## Ki opsyon enstitisyon piblik apre lekòl segondè ki genyen?

Sistèm Inivèsite Eta
<p>Gen anpil konpetisyon pou antre nan inivèsite piblik Florida yo. Elèv ki ta renmen antre nan yon inivèsite piblik dwe pase yon kourikoulòm egzijan pandan yo nan lekòl segondè epi aplike nan plis plase yon sèl inivèsite pou gen plis chans youn aksepte yo. Pou kalifye pou antre nan youn nan inivèsite piblik Florida yo, etidyan ki nan kolèj pou premye fwa yo dwe satisfè egzijans minimòm sa yo:</p> <ul style="list-style-type: none"><li>▪ Gradyasyon nan lekòl segondè ak yon diplòm estanda</li><li>▪ Rezilta egzamen admisyon yo</li><li>▪ 16 kredi kou preparatwa akademik pou kolèj</li><li>▪ 4 Angle (3 ak yon bon kantite redaksyon)</li><li>▪ 4 Matematik (Aljèb nivo I oswa pi wo)</li><li>▪ 4 Syans Natirèl (2 ak ase laboratwa)</li><li>▪ 3 Syans Sosyal</li><li>▪ 2 Lang Etranje (yon nivo apre lòt, nan menm lang la)</li><li>▪ 2 kou ki pa obligatwa ki otorize</li></ul> <p><a href="http://www.flbog.edu/forstudents/planning">http://www.flbog.edu/forstudents/planning</a></p>
Sistèm Kolèj Florida a
<p>Gen 28 kolèj eta ladan. Enstitisyon sa yo ofri sètifika pou yon metye oswa degre de ane ki prepare etidyan yo pou transfere nan yon pwogram lisans oswa pou al fè yon travay ki mande yon konpetans an patikilye. Epi tou gen anpil ki ofri degre bakaloreya nan domèn ki toujou bezwen moun. Enstitisyon Sistèm Kolèj Florida yo gen yon politik pòt louvri. Sa vle di elèv ki genyen yon diplòm lekòl segondè estanda, sa ki egal a yon diplòm lekòl segondè oswa demontre yo ka travay byen nan kou nan yon enstitisyon apre lekòl segondè ka antre nan yon pwogram degre de ane.</p> <p><a href="http://www.fldoe.org/fcs">http://www.fldoe.org/fcs</a></p>
Sant Metye ak Sant Teknik
<p>An plis Florida ofri etidyan yo sant metye ak sant teknik nan tout eta a. Sant sa yo bay fòmasyon ak sètifikasyon ki nesès pou travay nan yon metye oswa domèn teknik an patikilye. Pwogram yo pa twò rijid pou etidyan yo epi yo bay edikasyon pou endistri yo bezwen al travay la menm ak fòmasyon pou diferan metye.</p> <p><a href="http://www.fldoe.org/workforce/pdf/DistrictTechnicalCenterDirectors.pdf">http://www.fldoe.org/workforce/pdf/DistrictTechnicalCenterDirectors.pdf</a></p>

## Ki kote m ap jwenn enfòmasyon sou asistans finansyè?

Biwo Pwogram Asistans Finansyè Eta Pou Etidyan an jere diferan sibvansyon ak bous eta a finanse pou etid apre lekòl segondè.

<http://www.floridastudentfinancialaid.org/>